

**ADMINISTRACIÓN LOCAL****MUNICIPAL****SALCEDA DE CASELAS****Ordenanzas e Regulamentos***MODIFICACIÓN DA ORDENANZA FISCAL REGULADORA DA TAXA POLA PRESTACIÓN  
DO SERVIZO DE MERCADO***APROBACIÓN DEFINITIVA DA MODIFICACIÓN DA ORDENANZA FISCAL Nº6  
REGULADORA DA TAXA POLA PRESTACIÓN DO SERVIZO DE MERCADO MUNICIPAL  
DO CONCELLO DE SALCEDA DE CASELAS**

En sesión plenaria ordinaria celebrada o 22 de decembro de 2017, Pleno do Concello de Salceda de Caselas aprobou inicialmente a modificación da Ordenanza Fiscal nº 6 reguladora da Taxa pola prestación do servizo de mercado municipal do Concello de Salceda de Caselas.

De conformidade co establecido no artigo 49 da Lei 7/85, do 2 de abril, Reguladora das Bases de Réxime Local (LBRL), someteuse o expediente a información pública por prazo de trinta días hábiles, mediante a publicación do correspondente anuncio no Boletín Oficial da Provincia nº 23 do 1 de febreiro de 2018, e máis no Taboleiro de Anuncios da Casa do Concello, para o seu exame e presentación de reclamacións e alegacións.

Ao non terse presentado ningún tipo de reclamación ou alegación a Ordenanza enténdese definitivamente aprobada, publicándose para o seu xeral coñecemento o texto íntegro da mesma; entrando en vigor unha vez publicado enteiramente o seu texto no BOP e así que transcorra o prazo de 15 días hábiles ao que se refiren os artigos 70.2 e 65.2 da Lei 7/1985, de 2 de abril, reguladora das bases de réxime local.

De conformidade co establecido nos artigos 10, 25 e 46 da Lei 29/1998, do 13 de xullo, reguladora da Xurisdición Contencioso-Administrativa, e 107.3 da Lei 30/92, do Réxime Xurídico das Administracións Públicas e do Procedemento Administrativo Común, contra o presente acordo, os interesados unicamente poderán interpoñer directamente o recurso contencioso-administrativo ante a Sá correspondente do Tribunal Superior de Xustiza de Galicia, no prazo de dous meses, contados a partires do día seguinte ao da publicación deste anuncio no Boletín Oficial da Provincia.

**ORDENANZA FISCAL REGULADORA DA TAXA POR PRESTACIÓN  
DO SERVIZOS DE MERCADO MUNICIPAL****PREÁMBULO**

No uso das facultades concedidas polos artigos 133.2 e 142 da Constitución española e polo artigo 106 da Lei 7/1985, de 2 de abril, reguladora das bases do réxime local, e de conformidade co disposto nos artigos 15 a 19 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, o Concello de Salceda de



Venres, 13 de abril de 2018

Núm. 72

Caselas establece a taxa pola prestación do servizo de mercado municipal, de acordo co artigo 20.1 b) do citado Real Decreto Lexislativo, que se rexerá pola presente Ordenanza Fiscal e cuxas normas atenden o previsto no artigo 57 do mesmo texto legal.

### Artigo 1. Feito imponible

O feito imponible deste tributo ven determinado pola prestación do servizo de mercado municipal.

### Artigo 2. Suxeito pasivo

Son suxeitos pasivos desta taxa en concepto de contribuíntes as persoas físicas e xurídicas, as herdanza xacentes, comunidades de bens e demais entidades ás que se refire o artigo 35.4 da Lei 58/2003, de 17 de decembro, Xeral Tributaria que desfruten, ou utilicen en beneficio particular, os servizos e/ou instalación do Mercado municipal e que sexan titulares das licenzas de ocupación de postos e locais no mercado municipal.

### Artigo 3. Base Imponible

A determinación da contía a pagar realizarase mediante o sistema de cota fixa, determinándose en función da superficie ocupada, conforme ao establecido no artigo seguinte.

### Artigo 4. Cota tributaria

A cota tributaria verá determinada pola aplicación das seguintes tarifas:

POSTOS	TARIFA TRIMESTRAL
1	37,85
2	43,45
3	119,61
5	58,42
6	58,52
7	58,75
9	38,07
10	78,64
11	36,65
12	57,09
13	56,43
14	56,22
15	115,97
17	42,36
18	37,59



Venres, 13 de abril de 2018

Núm. 72

BANCADAS	TARIFA TRIMESTRAL
1	58,48
2	58,48
3	58,25
4	58,29
5	58,13
6	58,13
7	58,37
8	58,48
9	58,40
10	58,48
11	58,37
12	58,33
13	58,37
14	58,33
15	58,40
16	59,07
17	58,21
18	58,21
19	58,68
20	58,75
21	57,90
22	58,17
23	58,37
24	56,65

### Artigo 5. Período impositivo e devengo

1. Producirase o devengo da taxa e nacera a obriga de contribuír desde a data en que se inicie a prestación do servizo ou se utilicen os bens ou instalación do mercado municipal a partir do outorgamento da licenza de ocupación do posto e ata a terminación do prazo figurado no mesmo.
2. O período impositivo da taxa coincidirá co trimestre natural e a el referiranse as cotas tributarias, salvo cando se inicie ou cese na prestación do servizo de mercado, en cuxo caso o período impositivo axustarase a esta circunstancia.



3. A taxa devengarase o primeiro día do trimestre, salvo nos casos de alta ao longo do período impositivo, que se producirá no momento da citada alta. Cando o período impositivo sexa inferior ao trimestre, procederá o prorrateo do seu importe por días.

### **Artigo 6. Normas de xestión**

1. As cantidades esixibles liquidaranse trimestralmente polo Concello.
2. O Concello, unha vez iniciada a prestación do servizo, procederá a aprobar a liquidación que corresponda, na que constarán os datos precisos para a determinación do importe correspondente ao trimestre que se indique nela, emitindo a carta de pago correspondente.
3. Procederá o rateo da cota correspondente ao trimestre de inicio en función dos días que resten ata o último do trimestre, pasándose ao cobro xunto coa liquidación seguinte. Tamén se rateará a cota trimestral nos supostos de baixa no servizo, que será efectiva dende o mesmo día en que se presente a solicitude de baixa.

### **Artigo 7. Medios e momento do pago en efectivo**

1. O pago da taxa en efectivo poderá facerse sempre en diñeiro de curso legal. Así mesmo, poderá realizarse tamén mediante domiciliación bancaria.
2. Enténdese pagada en efectivo una débeda, cando se teña realizado o ingreso do seu importe nas caixas dos órganos competentes, entidades colaboradoras ou entidades que presten o servizo de Caixa.

### **Artigo 8. Pago mediante domiciliación bancaria**

1. A domiciliación bancaria deberá axustarse aos seguintes requisitos:
  - Que o obrigado ao pago sexa titular da conta na que domicilie o pago e que dita conta estea aberta nunha entidade de crédito. Tamén poderá domiciliarse o pago nunha conta que non sexa da titularidade do obrigado, sempre que o titular da conta autorice a domiciliación.
  - Que o obrigado ao pago comunique a súa orde de domiciliación ao órgano municipal correspondente por calquera dos medios establecidos, facendo entrega ao Concello dunha autorización de cargo en conta polo presente servizo. A estes efectos o Concello establecerá, en cada momento, a data límite para a admisión de solicitudes de domiciliación e traslado, e o período a partir do que producirá efecto.
  - Nos supostos de recibos domiciliados, non se remitirá ao enderezo do contribuínte o documento de pago. Alternativamente, os datos da débeda incorporaranse no soporte magnético que orixine o correspondente cargo bancario, debendo a entidade financeira expedir e remitir o comprobante de cargo en conta.



Venres, 13 de abril de 2018

Núm. 72

- Os pagos entenderase realizados na data de cargo en conta de ditas domiciliacións, considerándose xustificante do ingreso aquel que expida a entidade de créditos onde se atope domiciliado o pago, que incorporará, como mínimo, os datos que se establezan pola Tesourería Municipal.
- Naqueles casos nos que o cargo en conta non se realice ou se realice fóra de prazo, por causa non imputable ao obrigado ao pago, non se esixirán a este recargos, xuros de mora nin sancións de ningún tipo, debendo facer efectivo o importe da cota inicialmente liquidada. Así mesmo, serán a conta do obrigado ao pago os gastos ocasionados por devolución do correspondente recibo sempre que a dita devolución sexa por causas imputables ao mesmo.

### **Artigo 9. Exencións e bonificacións**

Non se concederán máis exencións e bonificacións que as expresamente previstas nas Leis ou as derivadas da aplicación dos Tratados Internacionais.

### **Artigo 10. Infraccións e sancións**

En materia de infraccións e sancións tributarias, estarase ao disposto nos artigos 181 e seguintes da Lei Xeral Tributaria e nas disposicións complementarias ou ditadas en desenrolo da mesma.

### **Disposición derogatoria**

Esta ordenanza derroga expresamente a ordenanza reguladora da taxa por licenza de servizo de matadoiro, lonxa e mercados, e calquera outra disposición de igual ou inferior rango que sexa contraria á mesma.

### **Disposición final**

A presente ordenanza fiscal entrará en vigor o día da súa publicación no Boletín Oficial da Provincia, e comezará a aplicarse a ese mesmo día e permanecerá en vigor ata a súa modificación ou derogación expresa.

Documento asinado electronicamente.

